


Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova



Босна и Херцеговина
Федерација Босне и Херцеговине
КАНТОН САРАЈЕВО
Министарство унутрашњих послова

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-5004/20
Sarajevo, 09.10.2020.godine



SKUPŠTINA KANTONA SARAJEVO
n/r predsjedavajućeg Skupštine


PREDMET: Odgovor na zastupničku inicijativu zastupnika Elvise Vreto, dostavlja se; ✳

VEZA: Vaš akt broj: 01-04-37535-25/20 od 30.09.2020. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničku inicijativu, koju je zastupnik Elvis Vreto podnio na 29. Radnoj sjednici Skupštine Kantona Sarajevo, održanoj dana 28.09.2020. godine.

Prilog:

- Akt Uprave policije broj: 02/2-5-03-3-1202/20 od 08.10.2020. godine
- CD x1.



Dostaviti:

1. Naslovu;
2. Stručna služba Vlade Kantona Sarajevo;
3. Kabinet premijera Kantona Sarajevo;
4. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

08.10.2020
1711/20

Broj: 02/2-5-03-3-1202/20
Datum: 08.10.2020. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Primljeno: 08.10.2020

Org. Jed.	Klasifikacija	Služba	Osoba
01-7	02-5005		

MINISTARSTVO UNUTRAŠNJIH POSLOVA KANTONA SARAJEVO
- n/r Sekretaru

PREDMET: Zastupnička inicijativa, zastupnika Vreto Elvisa, odgovor, dostavlja se. -

VEZA: Vaš akt broj: 01-7-02-2-5004/20 od 06.10.2020. godine

Zastupnik Elvis Vreto je na 29. Radnoj sjednici Skupštine Kantona Sarajevo, održanoj dana 28.09.2020. godine, podnio inicijativu:

"Podnosim inicijativu za postavljanje fiksnih kamera za mjerenje brzine kretanja vozila na pravcu i to obostrano u ulici Bojnička/Stup kako bi se regulisao i usporio saobraćaj od brze vožnje od strane neodgovornih vozača motornih vozila".

Obrazloženje:

"Obzirom da se radi o frekventnoj ulici sa dosta pješaka, posebno djece koja pješice idu od škole smatram da se sigurnost u saobraćaju mora osigurati, shodno tome kao najbolje rješenje predlažem postavljanje navedenih kamera. Praksa nam govori da je taj vid rješenja pokazao kao najbolji za smirivanje saobraćaja i samu sigurnost svih učesnika".

Ogovor na zastupničko pitanje:

Poštovani,

U vezi akata broj i datum gornji, koji se odnosi na postavljanja stacioniranog radara u ulici Bojnička, općina Ilidža, obavještavamo vas da je od strane MUP-a Kantona Sarajevo, izrađen Elaborat proširenja stacionarnih radarskih uređaja sa fotoregistracijom u Kantonu Sarajevo. Pomenutim elaboratom, na području Općine Ilidža, pored već postojećih u ulici Butmirska cesta - skretanje za Butmir, raskršnici ulica Butmirska-Ilirska, Džemala Bijedića-STUP-smjer Sarajevo-Ilidža, Džemala Bijedića -STUP - smjer Ilidža-Sarajevo, Rakovička cesta-Gladno polje, Rakovička cesta - Rakovica - oba smjera, Brza cesta - Mostarsko raskršće - smjer Ilidža - Hadžići, Brza cesta - Blažuj - smjer Hadžići-Ilidža, nije planirano postavljanje novih kućišta sa stacionirane radare.

Takođe, želimo istaći da instalacija kućišta za stacionirani radar i prenos podataka zahtjeva znatna finansijska sredstva, te s tim u vezi predlažemo da Općina Ilidža, kako je to već uradila na određenim lokacijama, iznađe mogućnost za nabavku i postavljanje kućišta za stacionarni radar u koji bi se mogao instalirati jedan od postojećih radarskih uređaja kojima raspolaže Jedinice za saobraćaj MUP-a Kantona Sarajevo, a cilju poboljšanja stanja sigurnosti saobraćaja na području Općine Ilidža.

Isto tako želimo da Vas upoznamo, da sama procedura nabavke, odobrenja i postavljanja radarskog sistema traje duži vremenski period, te zbog toga predlažemo, da se do nabavke i postavljanja radarskog sistema, preko Ministarstva saobraćaja Kantona Sarajevo, u čijoj je nadležnosti predmetna problematika, zatraži odobrenja za postavljanje posebnih objekata na cesti za usporavanje brzine kretanja vozila, koji će u svakom slučaju sigurnost saobraćaja na navedenom lokalitetu podići na viši nivo.

Koristimo priliku da vas upoznamo, da policijski službenici Uprava policije MUP-a Kantona Sarajevo, koristeći raspoložive ljudske resurse i materijalno-tehnička sredstva, vrše kontrolu brzine kretanja M/V na navedenom lokalitetu, djelujući preventivno i represivno u skladu sa svojim ovlaštenjima, preduzimajući mjere i radnje prema svim nesavjesnim vozačima, koji ne poštuju odredbe Zakona o osnovama sigurnosti saobraćaja na putevima u BiH, a posebno odredbi koje se odnose na ograničenje brzine kretanja motornih vozila i na taj način dovode u opasnost sebe i druge učesnike u saobraćaju.

S poštovanjem,

